

7. Tho Lafferde sprack eine kleine Twicht: 13
 „Her Bormester, nu siedt des bericht,
 Lat unns na Hildeffem vahren;
 Dar komen wy tigen den Morgen fro
 Unndt halen denne ein eytel Ko;
 So konne gy de Borger sparen.“
8. „Nein, leve Mann, des do ick nicht, 14
 Eine sidenn Huve ist nicht dicht,
 Des moſte wy Schande dragenn;
 De moſten entgelden unſe Kindt,
 De noch ungeboren findt.
 Wi willen dat frifſlich wagenn.“
9. Se togen tho Bleckenſtidde over dat Feldt, 15
 Dar hadden de Vorſten ohren Heldt *)
 Mit Flite upgeflagenn,
 Ohre Buſſenn legen dar harde by,
 De Borger weren des Modes fry,
 Dat mach ick vor Warheit ſagen.
10. Plettenbarch de Eddelmann, 16
 Valckenborch hadt wolgedaen,
 Ock Roleff, de drey guden Helde,
 De geven den Borgeren friſche Moith
 Sunder ein, de hinder dem Wagen ſtoit,
 Up dene ick ſehre ſchulde.
11. Coert Hundt unndt ſien Kunpan 17
 De gingenn by Banneren ſtahn,
 De Borger algemeine,
 Se deden alle de wilden Swin,
 Se druckedenn tho denn Vienden in,
 Ohre Buſſenn vundenn ſe alleine.
12. Dar hordeme ſo mannichen Buſſenklang, 18
 Dat mannich vann friem Mode upſprang,
 De Hemmel mochte beven.
 Nein Ruterspel ifs mehr geſchein
 In Saffennlande, ſo ick mein,
 Noch findt me des nicht beſchreven.

*) ihr Gezelt 2; ihren Zelt 4^b.